

ALLSTAR GAME 2008 DI BEISBOL DOBLE A **A RESULTA UN EKSITO TOTAL**

WILLEMSTAD -- Kontra di tur espektativa, e Allstar Game di Beisbol Doble A ku a tuma luga djasabra ultimo den Stadion di Rif na Otrabanda, a resulta un eksito total. Despues di hopi tempu, bastante fanatiko a haña kaminda pa stadion i a disfruta inmenso di un evento ku direktiva aktual di FEBEKO a hinka tur loke ku nan tabata tin aden.



DAVE KIRINDONGO KAMPION HOMERUN DERBY

Manera ta konosi, for di atardi a kuminsa ku e homerun Derby ku representantenan di e 7 ekiponan den Doble A. Na final, Dave Kirindongo a resulta pa di dos aña e kampion di Homerun Derby. Den e prome buelta ela dali tres i den final e tabata tin mester di dos pa gana. Lugien Fluonia di Blue Hawks a keda na di dos luga.

BALENTINA MVP ALLSTAR GAME 2008

Randolph "Johnny" Balentina, kecher di e ekipo di Royal Scorpions a resulta e hungado mas balioso di Allstar Game 2008 di beisbol Doble A. Johnny Balentina ku su dolete bari base den di sinku entrada a empuha e prome tres karedanan di e enkuentro ku a habri kaminda pa kondusi Pariba na otro viktoria den wega di tur estrea.

Normal ta asina ku un premio asina aki ta keda anuncia for di despues ku e ultimo out a kai, pero pa un motibu of otro anuncio di e premio aki no a tuma luga i na momentu ku a puntra pa Randolph Balnetin, a kompronde ku ela bai for di stadion pa motibu di otro kompromiso.

Na momentu ku e desishon a kai ku ta Johnny Balnetina a bira MVP, e grupo di tambú a kuminsa toka i a pone ku a bira imposibel pa por a anuncia e premio.

Sinembargo, oficialmente direktiva di FEBEKO a pone tantu Sr. Raymond van Gorp ku tabata manager di Pabou, pero tambe Marlon Banlentin ku ta Manager di Royal Scorpions ku ta Randolph "Johnny" Balentina a bira ganador di e premio di hungado mas balioso.

Na e prome wega di Sr. Balentina ku su eksipo di Royal Scorpions, lo hasi entrega di e premio di MVP na Sr. Randolph Balentina.

ALLSTAR GAME UN EKSITO TOTAL

Federashon di Beisbol di Korsou a hasi su esfuerso maksimo pa por a organisa e Allstar Game 2008. E Allstar Game aki no por a bira realidat sin algun sponser ku a pone nan skiouder bou di FEBEKO. Aki nos ta referi na Amstel i Heinenen, Pepsi, Pop, pero tambe Insel Air ku a pone un premio di porta ku tabata un biahe pa Republika Dominikana. Savannah Resort tambe a pone premio disponibel i TV 11 ku a hasi su debut den Beisbol di Korsou.

Por ultimo, Federashon di Beisbol ta gradesi e publiko grandi ku a haña direkshon pa Stadion di Rif, kaminda nan a disfrutanto inmensamente di un evento ku a keda organisa no solamente pa e hungadonan, pero tambe pa e publiko ku a akudi na gran kantidat, tantu den nos sekshon di VIP, pero tambe sekshon general ku a disfruta inmensamente.

Primeramente esnan ku a yega na tempu a disfruta di Gio Fuertisimo i despues na final di un tremendo grupo di Tambú.

FEBEKO ta sumamente agradecido na tur e e-mailnan positivo ku nos a risibi pa e evento ku FEBEKO a organisa. Ku positivismo, nos ta logra pone Beisbol di Korsou bek kaminda e mester ta. Un biaha mas danki.